



REGIONE AUTONOMA DELLA SARDEGNA

DELIBERAZIONE N. 17/1 DE SU 20.3.2008

Ogetu: Acordu Integrativu Regionale de sa Meighina Generale

S'Assessora de s'Igiene e Sanidade e de s'Assistèntzia Sotziale relatat chi s'Acordu Colletivu Natzionale (ACN) pro sa disciplina de sos raportos cun sos Mèigos de Meighina Generale, istipuladu su 23.3.2005 in cunforma a s'art. 8 de su D.Lgs n. 502/92 e modificatziones e integratziones imbenientes, definit sos livellos de sa cuntratazione detzentrada (artt. 4 e 14), e previdit chi sa Regione cuncordet cun sas Organizatziones Sindacales de sos mèigos chi ant firmadu su matessi, sos càbidos postos in cabu a s'Amministratzione regionale pro mèdiu de s'Acordu Integrativu Regionale.

S'Assessora pretzisat chi s'Acordu Integrativu Regionale disciplinat sas formas e modalidades de organizatzione de su traballu e de isbussamentu de sas prestatziones, punnadas a cuncretizare sos obietivos assistenziales prevididos dae su Pianu Regionale de sos Servìtzios Sanitàrios 2006-2008 e, in particulare, a su megioru de sa calidade de s'assistèntzia, a sa responsabilizatzione de su mèigu de meighina generale in intro de su sistema sanitàriu finas tràmite s'afortiamentu de sa partetzipatzione sua a percursos assistenziales integrados capassos de garantire sa continuidade de su protzessu de cura de su tzitadinu.

S'Assessora relatat chi cun Decretu Assessoriale n. 13 de su 31.5.2005, gasi comente modificadu cun D.A. n. 29 de su 27.12.2006 e n. 31 de su 19.11.2007, s'est provididu a torrare a cumpònere su comitadu permanente regionale, formadu dae rapresentantes de sa Regione e dae rapresentantes de sas organizatziones sindacales prus rapresentativas, e s'est dadu inghitzu a sas atividades netzessàrias pro sa cuntratazione de livellu regionale prevididas dae s'art. 4 de s'ACN.

Su protzessu de cuntratazione at rechèdidu, in cunforma a s'art. 10 de s'ACN, su riferimentu a sa SISAC (*Struttura Interregionale dei Sanitari Convenzionati*) a fines de isboligare nodos interpretativos de importu de clàusolas ispetzificas de s'acordu colletivu e fatzilitare su resurtu positivu de sa cuntratazione; custu protzedimentu s'est concludidu in die 18.3.2008 cun s'aprovu formale de su testu de acordu integrativu regionale ammaniadu dae sa Regione, integradu subra sa base de sos emendamentos propostos dae sas organizatziones sindacales.

S'Assessora relatat chi in die 19.3.2008 su documentu chi detat "Acordu Regionale pro sa Meighina Generale in atuatzione de su chi est prevididu dae s'Acordu Colletivu Natzionale de su 23.03.2005", allegadu a custa deliberatzione, est istadu firmadu dae s'Assessora de s'Igiene e Sanidade e de s'Assistèntzia Sotziale e dae sas organizatziones sindacales rapresentativas de sos mèigos de meighina generale: FIMMG, Federazione Mèigos-UIL-FLP, Intesa Sindacale SIMET-SUMAI-CISL Mèigos, CGIL-FP Mèigos.

S'Assessora informat chi sos obietivos primàrgios sanitàrios disinnados cun s'Acordu Integrativu Regionale e sos sèberos istratègicos chi nde cunsighint sunt:

1. su megioru de sa calidade chi deghet de sas prestatziones cun reguardu particulare a disinnare atziones impunnadas a su tratamentu e a su controllu de su dolu crònicu, a reduire sas ospedalizzatziones chi non sunt pretzisas, a su megioru de sa prescrizione de sas meighinas chi deghent, in su respetu de sas linias de ghia e protocollos diagnòsticos e terapèuticos cumpartzidos;
2. s'afortiamentu de su rolu de su mèigu de meighina generale in su sistema sanitàriu regionale tràmite s'integratzione prena cun sos àteros profesionistas sanitàrios chi òperant in su distretu, sa responsabilizzatzione cara a su lompimentu de sos obietivos e a sos resurtos de sos percursos assistenziales, sa possibilidade de monitorare sos fenòmenos e sa gestione pro los incarrerare cara a una calidade mègius de s'assistèntzia (governu clìnicu de protzessos assistenziales).
3. s'afortiamentu de su raportu de cunfiàntzia intre mèigu e assistidos, pro mèdiu de s'acaramentu e sa sestada noa de istitutos chi agiudent su mantenimentu de continuidade de cura, s'ampliamentu de s'oràriu de sos ambulatòrios mèigos, sa disponibilidade esclusiva de s'oràriu de ambulatòriu in favore de sos assistidos, su de pònnere a traballare paris sos mèigos in sa realizatzione de sos programmas istrutturados punnados a incarrerare, agiudare e isvilupare sas capassidades de su tzitadinu, a nde promòvere cumportamentos ativos, propositivos e a nde sugugiare sas capassidades de sèberu (*screening* oncològicos, prevenimentu de sas cumplicàntzias de su diabete, valutatzione e controllu de s'arriscu cardiovascolare);
4. s'afortiamentu de sas curas a domitziliu pro mèdiu de sa partetzipatzione prena de su mèigu de meighina generale a totu sas fases de su protzessu assistenziale: dae sa valutatzione multidimensionale de sa pessone a sa pianificatzione e atuatzione de sos interventos integrados cun s'*équipe* multiprofessionale, finas in occasione de programmas de amparu de sa disabilitade;
5. s'isvilupu de s'assotziationismu mèigu pro persighire su coordinamentu funtzionale e operativu de sas atividades de sos mèigos de meighina generale, realizare formas de servìtzios a manera chi sos assistidos nde potzant gosare e si nde potzant giuare mègius finas tràmite sa fatura de una retza informàtica (MEDIR - Mèigos in Retza e SISAR) chi agiudet su cumpartzimentu de sas informatziones sanitàrias intre sos mèigos de familia e intre custos e sas istruturas de sas aziendas

sanitàrias, chi sunt de primore pro fàghere prus fàtzile s'atzessu a sos servìtzios e sa continuidade de sos protzessos de cura de sos tzitadinos.

S'Assessora, in concludos, relatat chi in atuatzione de su chi aiant apostivigadu sos artt. 8 e 59 de s'ACN, sas resursas prevididas pro su finantziamentu de custu AIR in ogetu sunt collegadas a su persighimentu de sos obietivos de salute disinnados dae sa programmatzione regionale e sunt partzidas pro nurdiare fundos diferentes chi ant finalidades diversas, livellu e modalidades de isbussamentu. Sa descriçzione de sas resursas partzidas pro su finantziamentu de sos programmas ispetzificos integrativos de sas atividades prevididas dae s'Acordu Integrativu Regionale est riportada in sa tabella in allegadu 1 de su AIR matessi.

In cunforma a s'art. 46 de s'ACN, su fondu regionale a ripartu pro sa retribuzione de sos istitutos sugetos a intzentivu est definidu dae duos livellos de finantziamentu:

1) Finantziamentos prevididos dae s'ACN parivile a èuros 13.027.848, chi pertocat:

a) a sas resursas de sas cales a s'art. 59 litera B) comma 1 de s'ACN, integradu gasi comente prevididu dae su comma 3 de su matessi artìculu;

b) a sas resursas de sas cales a s'art. 59 litera B) comma 2 de s'ACN, definidas in su AIR antepostu pro integrare sos limites màssimos prevididos in su DPR 270/2000;

c) a sas resursas de sas cales a s'art. 59 litera B) comma 15 de s'ACN pro s'atuatzione de programmas finalizados a su governu clìnicu;

2) Finantziamentos integrativos regionales prevididos dae s'art. 59 litera D) de s'ACN, parivile a èuros 11.893.035.

Sos importos relativos, pro ogni annu de vigèntzia de s'acordu, sunt definidos dae inoghe in antis:

		€/Cap. Euro	
Formas Assotziativas	Cumpensu ex art. 59 lit. B, comma 1	2,99	4.318.585,57
	Cumpensu ex art. 59 lit. B, comma 3	2	2.888.686,00
	Importos art. 59. lit. B, comma 2		1.372.000,00
Governu Clìnicu	Cumpensu ex art. 59 lit. B, comma 15	3,08	4.448.576,44
Totale ACN			13.027.848, 01

Resursas Regionales Integrativas	Assistèntzia primàrgia	8.606.000,00
	Continuidade assistenziale	2.772.035,00
	Emergèntzia territoriale	515.000,00
Totale resursas integrativas regionales		11.893.035,00
Totale Fundu		24.920.883, 01

S'Assessora pretzisat chi a sas resursas integrativas regionales s'at a providire cun sas cuotas de finantziamentu pro sos gastos de parte corrente de su Fundu Sanitàriu Regionale, cun una cuota parìvile a s'80% de sos finantziamentos chi sunt in bilanzu regionale destinados a sos acordos integrativos regionales de sa meighina generale e de sa pediatria de sèberu liberu (UPB S05.01.001) in cunforma a s'art. 32 comma 19 de sa L.R. n. 2 de su 29.5.2007, cun cuota parte de sas resursas prevididas dae s'art. 32 comma 4 de sa L.R. n. 2 de su 29.5.2007 e dae s'art. 8 comma 4 de sa L.R. n. 3 de su 5.3.2008 pro sa realizatzione de progetos finalizados a sa cumbata de patologias crònicas e in particolare pro s'aviu e su funtzionamentu de sa retza integrata de servitzios de prevenimentu, diàgnosi, cura e riabilitatzione de su diabete (UPB S05.01.005), cun cuota parte de sas resursas chi sunt in bilanzu regionale pro s'isvilupu de sos programmas de assistèntzia a domìtziliu integrata in cunforma a s'art. 32 comma 12 de sa L.R. n. 2 de su 29.5.2007 e dae s'art. 8 comma 10 de sa L.R. n. 3 de su 5.3.2008 (UPB S05.03.007), cun cuota parte de sas resursas chi sunt in bilanzu regionale pro s'isvilupu de su programma de prevenimentu cardiovascolare tràmite s'impreu de cartas pro sa valutatzione de s'arriscu individuale (UPBS02.04.010).

Sa Giunta regionale, pustis de àere intesu sa proposta de s'Assessora de s'Igiene, Sanidade e de s'Assistèntzia Sotziale e pigadu atu de su parre de legitimidade espressadu dae su Direttore Generale de sa Sanidade e dae su Direttore de sas Políticas Sotziales

DELÌBERAT

- de aprovare s'Acordu Regionale pro sa Meighina Generale in atuatzione de su chi est prevididu dae s'Acordu Colletivu Natzionale de su 23.3.2005, allegadu a custa deliberatzione pro nde costituire parte integrante;
- de finanziare s'Acordu Integrativu Regionale cun resursas parìviles a èuros 24.920.000 de sas cales èuros 11.893.035 cun resursas integrativas chi protzedint dae su bilanzu regionale;
- de pònneru in cabu a s'Assessoradu de s'Igiene e Sanidade e de s'Assistèntzia Sotziale de protzedire a sa trasmissione de s'Acordu Integrativu Regionale a sas Aziendas Sanitàrias Locales de sa Regione pro sos

acumprimentos imbenientes de cumpetèntzia e de providire a s'isbussamentu, a favore de sas matessi, de su finanziamentu netzessàriu a s'atuazione de su matessi.

Su Direttore Generale

Fulvio Dettori

Su Presidente

Renato Soru